

Gabinete Fronteiras Marítimas



REZUMU HUSI DOKUMENTU POLÍTICA

TIMOR-LESTE NIA FRONTEIRAS MARÍTIMAS

Timor-Leste mak nasaun kiik ida, nasaun kosteiru iha Sudeste Aziátiku, entre viziñu marítima boot rua. Husi parte norte, oeste no leste iha aikipélagu Indonézia. Ba sul iha kontinente Austrálianu ne'ebé boot loos, besik 300 millas náutikas iha Tasi Timor.

Agora dadaun la iha fronteiras marítimas permanente entre Timor-Leste no ho nia viziñu sira, Austrália no Indonézia.

Nu'udar Estado independente foun ida, ida ne'e prioridade ida ba Timor-Leste atu kompleta nia soberania no estabelese nia fronteira iha rai no iha tasi.

Dokumentu ne'e konta istória Timor-Leste nia luta ba soberania ba nia tasi – husi pasadu mai to'o presente, no nia signifika saida ba futuru. Atu halo klaru no tau iha kontestu ba kestaun komplexu ida ne'e, dokumentu ne'e fó rezumu ba prinsípiu hirak ne'ebé relevante ba lei tasi nian no fó sai Timor-Leste nia pozisaun kona ba nia fronteiras marítimas permanente tuir lei internasional.





Istória Luta ba Independênsia

Timoroan sira hasoru ona luta barak hodi aseguira sira nia soberania no estadu ba sira nia nasaun hanesan nasaun independente ida. Uluk Timor-Leste hanesan kolónia Portugal nian durante tinan 450 resin to'o 28 Novembru 1975, bainhira movimentu lideransa nasionalista sira deklara teritória nia independênsia.

Loron sia liu tiha, Indonézia invade Timor-Leste. Teritóriu ne'e iha kontrolu Indonézia nian to'o 1999. Iha tinan 24 nia laran, povu Timoroan no kombatatente libertasaun sira luta kontra okupasaun militar no luta ho barani ba independênsia. Besik ema 200,000 mate tamba kauza sira relasiona ho konfliktu ne'e.

Ikus mai, iha Agostu 1999, mehi atu hetan libertasaun husi rai liur nia ukun realiza duni. Maski ho violênsia akontese iha rai laran molok no hafoin loron eleisaun, povu Timor-Leste vota maioria ba independênsia iha referendu ida ne'ebé Nasoens Unidas mak supervizona.

Iha 20 Maiu 2002, Timor-Leste moris fila fali hanesan nasaun independente no soberania ida.

Timor-Leste nia Luta ba Soberania Kontinua: Fronteiras Marítimas

Enkuantu Timor-Leste sai nasaun independente ida iha 2002, nia soberania seidauk kompleta. Fronteira final ba Timoroan nia luta mak iha área tasi nian.

Ba populasau nill Timor-Leste nian, tasi ne'e hola parte ba sira nia moris lorloron. Tasi iha signifikadu espiritual ba Timoroan hotu. Tuir lenda, Timoroan mak lafaek nia beioan – hafoin nia mate, nia isin nakfilak ba rai Timor, tarak sira iha lafaek nia kotuk sai foho no vales, no tasi mak fatin ba nia deskansa ikus.

— Primeiru-Ministru,
Dr. Rui Maria de Araújo

Timor-Leste nia Fronteiras Marítimas tuir Lei Internacional

Timor-Leste buka hela akordu ba fronteiras marítimas permanente ho Austrália no Indonézia tuir lei internacional ba tasi nian.

***Timor-Leste la husu ba
tratamentu espesial
ka favor ruma, ita
só buka deit saida
mak ita nian tuir lei
internasional.***

Timor-Leste mak apoiante forte ida ba lei internacional no sistema internacional ne'ebé comunidade husi nasaun sira estabesele hodi lao tuir. Iha tempu badak durante independênsia, Timor-Leste uza tiha ona tribunal internacional hodi resolve disputa sira ho dame ho Estado sira seluk no hola tiha ona parte ba tratadu maioria internacional barak, inklui tratadu ba direitu umanus, Estatutu ba Tribunal Internacional ba Justisa no ne'ebé relevante, Nasoens Unidas nia Konvensaun ba Lei Tasi nian (**UNCLOS**).

Timor-Leste la buka buat ne'ebé la liu husi nia direitu tuir lei internacional. UNCLOS nia abut mak atu hetan akordu ida tuir lei internacional ne'ebé refleta solusaun ekitativa ida. Tuir UNCLOS, abordajen padraun legal ba delimitasaun ba fronteira marítima desenvolve ona iha jurisprudensia husi Tribunal Internacional ba Justisa, Tribunal Internacional ba Lei Tasi nian, no tribunal arbitrajen sira. Tuir lei internacional, bainhira Estado viziñu sira nia tasi menus husi 400 millas náutikas entre sira no iha kompetisaun ba reivindikasaun ba zona marítima, hahú dada liña ida husi klaran entre kostal rua ne'e. Tuir fali mai hadia fali liña fronteira ne'e tuir sirkumstânsia ruma ne'ebé iha no hare'e mos ba desproporsionalidade, ho objetivu ida atu hetan rezultadu ne'ebé ekitativa. Ida ne'e ema hatene ho naran *three stage method* (métodu faze tolu) ka 'ekidistânsia/dalan sirkumstânsia relevante'.

Timor-Leste reivindika nia direitu soberania ba área marítima iha norte no iha Tasi Timor tuir abordajen padraun bazeia ba lei internacional.



Timor-Leste nia ezizênsia/reivindikasaun marítima tuir lei internacional

***“Iha ita nia mundu
ne'ebé kaótiku aumenta
ba beibeik, ami fiar
katak manutensaun no
dezenvolvimentu ba lei
internasional mak baze
ba dame, armonia no
mundu ida ne'ebé justu
no lao tuir orden.”***

— Primeiru-Ministru,
Dr. Rui Maria de Araújo